

մեջ հորից որդի ժառանգաբար անցած էր լուսնոտությունից բժշկելու շնորհքը և այնտեղ նրան կտրել էին տալիս դրամը մահիկի ձևով: Մահիկի ձև էր տրվում նաև անասունի—եզան, կովի, գոմեշի, երբեմն և ձիու վզից կախվող հմայիլին՝ դաղդղանի՞ն<sup>67</sup>, որով այդ անասունը պահպանվում էր շար աչքից: Նույնպես շարշարանաց շաբաթվա Ուրի ուրբաթ օրը շինած պողպատե կիսալուսնին վերագրվում էր շար աչքից և կայծակից պահելու զորություն: Այդ պողպատը, շախմախը, ինչպես և ուրիշ նույնաձև հմայիլները դնում էր նրան կրողին լուսնի մահիկի հովանավորության տակ<sup>68</sup>: Սակայն, Զանգեզուրի հմայիլների մեջ մահիկն այն ընդարձակ գործադրությունը չունեի, ինչ որ նա ունեցել է Հարավային Հայաստանի գավառներում, օրինակ՝ Վանա ավազանում և նրանից ավելի հարավ, որտեղ այդ մահիկները, կամ ճօղջը զարդարում էին և՛ գոտիների ճարմանդները, և՛ գլխի թասերը, և՛ ապարանջանները: Վանում մահիկները մեծ քանակությամբ կախված էին լինում զանազան զարդերի վրայից, նույնիսկ կրծքին կախվող լոխի՝ մեղալիոնի<sup>69</sup> ձևով: Այս դեպքերում, ինչպես տեսնում ենք, Վասպուրականում մահիկներին տրվում էր շատ ընդարձակ իմաստ, այն է՝ բազմածին դարձնելու և բեղմնավորելու զորություն: Այս ունակությունն անշուշտ շողկապված է կնոջ ամսականների հետ, որոնցից կախված է և նրա զավակ ունենալու ընդունակությունը<sup>70</sup>: Զանգեզուրում լուսնի պաշտամունքը նման խորություն չունեի:

Զանգեզուրում նույնպես, ինչպես և հայաբնակ ուրիշ շատ գավառներում, պատմվում էր այն ավանդությունը, թե արևը ամոթխած աղջիկ էր, իսկ լուսինը՝ համառ տղա: Մայրն ասեղներ է տվել արև աղջկան, որ նա իրեն նայողի աչքերը ծակծկի և համեստությունը միշտ պահպանի: Մայրը գաթայի խմոր հունցելիս ձանձրացել էր տղայի աղաչանքներից՝ իրեն գաթա տալու և դրա համար ապտակել էր տղային: Այնուհետև նրա դեմքին մնում են այդ ապտակի հետքերը՝ լուսնի բծերը: Այս ավանդությունը ոչ թե որևէ պաշտամունքի անդրադարձում է, այլ սոսկ մի ժողովրդական բացատրություն, թե ինչու՞ մարդ չի կարող նայել արևին, կամ ինչու՞ լուսնյակի երեսին բծեր կան:

### ՖԱԼԼՈՍԻ ՊԱՇՏԱՄՈՒՆՔԸ

Ֆալլոսի<sup>71</sup> պաշտամունքը տարածված է եղել Հայկական լեռնաշխարհի զանազան կողմերում: Քարից շինած ֆալլոսների մի քանի օրինակներ գտնված են էջմիածնում, Երևանում, Դվինում և այլ վայրերում (երբեմն պատվանդանով): Դրանցից մի քանիսը տեղափոխված են Հայաստանի Պատմա-

<sup>67</sup> Դաղդղանը պատրաստվում էր բռնի սրբազան ծառից, որին վերագրվում էր մոգական ազդեցության ուժ:

<sup>68</sup> Հայելին, պսպղուն, տափակ դրամներ, որոնց մոտենալով հիվանդություն կամ այլ վտանգ սպառնացող շար ոգին, տեսնելով իր պատկերը, պիտի հեռանա, խարվելով, որ ինքը կամ իբրև կները արդեն այդտեղ եղած է: Այս դեպքում ընդօրինակությունը և պատկերը փոխարինում են իրը կամ երևույթը:

<sup>69</sup> Այսպիսի զարդ-հմայիլ՝ ճօղ՝ նորալուսին գտնված է ուրարտական պեղումների ժամանակ՝ մի բրոնզե լոխի բեռնագիր աղոթքով: Ե. Ե. Пусторовский, նշված աշխ., էջ 168, նկար. 30:

<sup>70</sup> Այս կարգի նախնական լուսնապաշտության ու ժամանակվա մնացորդ կարելի է համարել և այն, որ Ռաֆայելի Սիկատինյան մադոննան ներկայացնում է մի ոտքը կիսալուսնի վրա դրած:

<sup>71</sup> Արական սեռանդամի: